

隱怡山房小詠

朱運新  
拜題



隱怡山房小詠

共 1 册 存 1 册 排架号 99000



小隱

詠恬

山

房

天中郎

錢振鐸署



謝

一

謝

高

暹州市 謝 如 能

地

丁

民

天中

類

序一

余昔爲辛亥三秀才行一詩錢唐吳子修年文采入殉難記  
清史館諸公據以列忠義傳中三秀才者何君承鑫趙君彝  
鼎李君澤霖國變時以老諸生畢命於呼吸存亡之際者也  
上海嚴子載如告余尙有鎮洋沈秀才蘭徵辛亥九月八日  
仰藥死時武昌變起蘇撫程德全首□□秀才知事無可爲  
其死也獨早有遺詩一卷將以付梓夫當發難之始以草莽  
之身宜可無死而義憤所激決然不顧蓋世雖極亂而忠義  
之理未嘗泯滅士氣之可重者在此竊嘗論之光緒宣統間  
政紀日紊無可諱言實皆由險躁之徒鼓其簧舌以煽惑當  
世而其時人心風俗未若今日陷溺之甚也使有賢公卿大

夫攘斥而廓清之若輩無所售其奸然後整軍經武潛遏亂  
萌何有禍變相尋迷而不返哉乃欲止沸而復揚湯馴至勢  
成燎原舉數千年經典彝訓淪胥以亡幾不識禮義廉恥爲  
何事驅獸食人人將相食吾粵宋崔清獻公與之所謂以學  
說殺天下後世者當時公卿大夫弗之省一介青衿如沈秀  
才獨深恫之誠知邪說詖辭充塞天壤非亡國并亡種不止  
而不忍卒覩也孤憤捐軀與懷沙比烈視見危授命爲尤難  
嗚呼可哀也已遺詩篇什無多不乏佳句而詩以人傳無待  
揚摧惟願後世修史者網羅隱佚表微闡芬俾知三代立學  
皆以明倫庠序中自有氣節之士若徒襲莘莘學子之虛名  
積習相沿流毒益靡所究極人心風俗之轉移繫乎學校識

者有深憂焉空山風雨所爲誦其詩而想見其人輒歔歔於  
無窮焉爾乙亥九月羅浮汪兆鏞時年七十五

與汪憬吾孝廉乞序書

附錄汪君詩五卷

羊城在望清峙巖巖千尺桃潭私衷仰止曩曾讀大著辛  
亥三秀才行忠憤悱惻遂使名不出閭里之人而硜硜節  
概得以表暴嗣閱清史稿及辛亥殉難記三秀才姓名赫  
然在列益歎莫爲之前雖美不彰非虛語也昌墳行能無  
似同有生丁陽九之感竊不自揆亦頗欲以誦芬詠烈爲  
己任近訪聞太倉鎮洋縣秀才沈公夢花亦以是年聞變  
仰藥身殉時當重陽先一日怒潮之澎湃猶未及夫吳會  
也而死乃獨早更見其積憤之已深所慮之及遠而求諸

清史稿辛亥殉難記諸書名氏缺如是知未得鉅人長者  
之闡揚遂沒世而不稱尤足悲也沈節士遺稿有隱怡山  
房小詠一卷索觀錄副擬付排印尤賴有氣節士張目若  
松江朱似石太守常州錢夢鯨比部皆叔季晨星太守詩  
先成大氣磅礴謹以呈鑒獨以公遠隔五嶺末由通款側  
聞夢鯨比部與公有縞紵之雅致書求爲道地比部亦首  
肯其緘札旦夕當達敢乞椽筆賜題尋繹節士所作雖未  
臻絕詣然亦多可誦者原稿略寄數頁以見一斑公旣爲  
三秀才吐氣聞此必爲興起行見清詞正義酣暢淋漓不  
特沈節士從此與三秀才並傳實所以維名教於不敝也  
造次之嫌幸恕之敬承





漢書卷之...

漢書卷之...

通志 卷之...



序二

宣統辛亥天下傳殉難三秀才一江陰趙彝鼎一湘潭何承  
鑫一香山李澤霖番禺汪憬吾先生爲作三秀才行三秀才  
齊名自憬吾始何君著述未見趙君則有絕命時遺墨一冊  
爲其妻弟孫邦楨所傳不佞嘗見之李君則有刊本郇雨詩  
稿憬吾以寄不佞不佞謹藏之今年春之上海晤吾友嚴載  
如見示鎮洋沈節士隱怡山房小詠節士名蘭徵字夢花光  
緒附生辛亥國變以九月之八日仰藥死年五十有三其弟  
子吳江費樹蔚爲之傳載如以乃者三秀才殉國憬吾先生  
實爲詩章之今節士亦三秀才之倫也以不佞與憬吾先生  
相知深遂爲節士詩徵言於先生而屬不佞爲介焉未幾先

生文至其骯髒磊落痛憤不平之氣盡注于此篇載如雖兼  
 徵不佞文不佞幾無下筆處矣從來忠孝死難之士雖斷句  
 零章視文人之文貴重百倍此其所以不朽者也不朽難矣  
 不佞于辛亥之秋有友人張獻琛勉之曰不為文文山當為  
 王伯厚嗚呼文文山既不易為王伯厚復何可及不佞慚恨  
 入地矣區區之詩輒復自信不知視節士何如要之節士之  
 詩已不朽矣不佞之詩朽不朽未可知何敢望節士乙亥十  
 月陽湖錢振鏗

退

卷一 香山李 聖賢 卷二 聖賢 卷三 聖賢 卷四 聖賢 卷五 聖賢 卷六 聖賢 卷七 聖賢 卷八 聖賢 卷九 聖賢 卷十 聖賢

序三

辛亥秋武昌事起大臣之伏節死義者屈指可數也惟在野  
狷介慷慨之士觸世慮鬱畸懷獨行踽踽往往有發憤舍生  
而不顧彼其人名不出閭里死而旌卹所不及雖有一二有  
心人若吳子修提學金息侯少保周諮博采有辛亥殉難記  
之輯然珠遺滄海中何能免挂漏劉湄沈茂才夢花卽其一  
也始余未識茂才姓名近獲交太倉王君吉士談次及茂才  
死狀不禁肅然動容又就諗工詩擅書法亟索稿觀之遂獲  
是編竊惟辛亥之事與疇昔易代迥異士君子誦聖賢書漸  
摩仁義一旦邁崩圻顛倒默察鼓盪之所極魂悚悚其驚心  
惺惺而悸以爲將有洶洶旭旭天動地岌之勢焉其尤激者

遂自忖必一瞑不視以爲幸否則茂才不過青一衿可以無  
死而死果何爲其然耶抑茂才稟間氣而死思蹇產而不釋  
想見其虛靈不昧必且訴天而泣魂氣之所之旁皇上下猶  
椎心扼腕於冥冥中也所爲詩有手書自定稿二冊藏於家  
其公子輩將舉以付影印又搜索叢殘得此若干首余不敢  
諛所作爲功力已深然遣辭構局饒有冲淡閒逸之致其感  
事諸篇什且足以窺茂才於斯世早抱隱憂信不愧有器識  
者之吐屬也爰爲排比授手民區區此心妄欲補辛亥殉難  
記所未及往者厥考思岵先生以咸豐己未粵寇至赴水死  
父子死節益歎間氣之鍾於一門爲尤難云乙亥秋八月上

海巖昌培

題辭

婁 朱運新似石

三綱淪夷九廟覆生逢陽九與百六舉國士夫紛若狂坐看  
中原忽沈陸疆吏甘迎降薦紳效髡禿六經盡掃地 列聖  
夜聞哭爭權攫利胡紛紛歐風美雨翻全局先生正氣凌霄  
漢幽篁繞宅勤夜讀滄海橫流誰與歸拚將一死挽頽俗劉  
河之水清且漣展誦遺編氣爲肅我亦 聖清一命士祇今  
窮山尙食粟不能口口終偷生題詩恐爲先生辱

青 上海鄭永詒質盦

不將雙眼看文星衆醉何妨我獨醒誰識沈郎心事苦秦淮  
水碧蔣山青

讀書秋夜一燈孤更寫幽篁獨坐圖養得詩情如水淡推敲  
曾共此君無

青衫老淚不勝揮棟折榱崩事事非未歷滄桑先仰藥此生  
免采首陽薇

堂堂正氣塞乾坤忠孝婁東父子門先生以緒寇至公於咸豐  
風雨重陽先一日黃花含淚弔詩魂

*中興感時*  
三國遺事  
父子

讀書



節士沈先生傳

宣統三年九月初八日太倉沈先生以憂國仰藥卒越七年  
太倉修志先生例得入忠義傳主者有所憚不果於戲倫紀  
絕人道滅國何以立郡縣之有志猶夫國之有史今若此其  
於史之義法謂何樹蔚辱在門下知先生深又粗習記載不  
敢湮先生志節謹奮筆書之以俟後之君子先生諱蘭徵字  
緘三號夢花別號九畹父思岵以咸豐九年赭寇至投水死  
母胡未幾亦卒先生養於大父母幼而慧甚知家世明清以  
來忠孝微烈輒感泣自奮旣補縣學弟子員漸審見朝政士  
習齋敝無可爲幡然誓不復進取每假秋試如秣陵輒蹇驢  
扁舟尋山水佳處不入闈而歸或笑之灑如也嘗命工作幽

篁獨坐秋夜讀書兩圖以見志家素貧而好施與又好藏法書名畫及碑林古拓稱貸典質無所恤生平尤致力於書翰秀勁如其人爲世矜重授弟子讀藹然肅然時爲講經史必推極本末貫串今古不沾沾於舉業用是不爲時俗所喜中年以憂勞多病宣統庚戌病甚將不起先生長子佑烈遇異醫授以方而瘥洎辛亥亂事初起人皆謂無足深慮先生歎曰以言世道人心清祚必傾國命猶未可知耳自是悒悒彌甚九月初八日有弟歸自滬述軍事甚詳先生不答獨詣寢室久之寂然家人入視先生臥於床面赤唇黑類中毒者駭欲呼先生微語曰吾父死於忠吾今日猶夫父之志也家人大悲不審毒何自來亟以醫至先生笑謝之去亦不復及家

事俄卒年五十三子佑烈成烈紹烈俊烈承烈己未閏秋受

業吳江費樹蔚

盡而士期五解之動以成於斯時也官易其面士異其心不

復知天地間有應和事吾於故人沈君之死不能無喟然焉

君諱蘭徵字誠三號

父某殉壽寇之難每於市

學根於天性聞先世義烈

而自勵見世俗卑汚若

水滸高而實於金陵誠策

而返入或先之君笑而不

夜讀書而

凡

蘭

如

暹

Faint vertical text columns, likely bleed-through from the reverse side of the page.

溫州府知府 謝公 敬

節士沈君別傳

烏虜自清季世法紀廢弛綱常漸滅人心風俗學術掃地俱盡而土崩瓦解之勢以成於斯時也官易其面士異其心不復知天地間有廉恥事吾於故人沈君之死不能無喟然焉君諱蘭徵字緘三號夢花別號九畹世居鎮洋縣之劉河鎮父某殉粵寇之難母胡亦卒育於祖父母幼慧喜讀書而忠孝根於天性聞先世義烈事輒感泣深慕之既游鄉校以氣節自勵見世俗卑污苟且之習夷然不屑焉性好游遇佳山水輒忘歸嘗赴金陵試策蹇操舟搜訪六朝古蹟竟不入闈而返人或尤之君笑而不答欣然自得也因繪幽篁獨坐秋夜讀書兩圖以見志家貧好施與尤愛古碑帖書畫有當意

雖傾囊典衣不恤以故館穀雖豐終無餘蓄工書耽吟詠有  
求輒應無倦容州佐諸暨傅振海廉吏也治劉河嚴窩賭禁  
里豪猾不便之誣於州守欲以搖傅君不平將白之當事會  
事解乃已及去任爲書遺愛碑文傳數造訪卒不見終未識  
面也余與君素不相知丙午之春余客婁東君自蘇解館歸  
來訪貽以所書近作出夜讀圖索題淪茗清談遂成莫逆後  
二年余就館郡城竟不復見君體肥晚年隱於酒丁未春得  
疾庚戌夏幾殆公子佑烈獲異方治之得不死踰年稍稍能  
步履矣辛亥九月八日聞武昌兵變君不語入室仰藥臥久  
之不起急呼之神色已變揮手言曰吾以繼先志也不及施  
救而絕年五十有三所著詩文及注謝氏樹經堂詠史詩各

若干卷藏於家娶郁繼孫子五佑烈最長而賢能述先人之  
事久而不忘者也余喜故人之有賢子不敢以不文辭爲之  
詮次其事并述遺聞以答其意焉宣統辛亥後八年己未八  
月十有九日玉峰歲寒老人王德森撰時客古吳城東之市  
隱廬年六十有四

不

溫





隱怡山房小詠

鎮洋沈蘭徵夢花

幽篁獨坐圖自題乙酉



還我廬山面目真萬竿深處著閒身漫誇到此塵襟滌已落  
人間廿七春

三十感懷戊子

韶光過眼太匆匆兩度秋聲賦客中時挈眷獨坐雅宜修竹

伴賞心聊與夜鐙同筆慚花管難摘藻研作良田可告豐三

十年來呼負負安排還守舊家風

四時景物喜清幽且把囊錢挂杖頭夢得詩篇來舊雨劉芸

友亦來放翁尊酒紀新游陸靜踏殘香雪春攜屐載得垂虹

月滿舟滯我東歸挈梅鶴孤山清福幾生修

最是庭梧葉落時不禁風雨故人思容安居畔縈鄉夢城中讀書

處香草堂前溯舊知似師講舍今滿圃黃花懷菊酒王笠夫

半江紅樹憶尊絲張仲師何當共作連牀話翦燭聲中夜漏遲

每懷風木劇悲傷揮淚年年感奉嘗弟友已難聯大被叔癡

何事滯他鄉季父遊幕厦門已五載買山未遂雲林境寄興還宜翰墨

場也向皋橋眈小隱濯纓聊復詠滄浪

張守平吳一峯金陵省試還雨中過訪卽別辛卯

遙知一棹返江隈累我金閭望幾回兒女笑言鐙蕊著果然

風雨故人來

清涼山色定重過夜月秦淮興若何記取六朝好風景探囊

得句是誰多

吳質風流平子豪  
頻年離緒感同袍  
者番拚作連牀話  
爭又河梁惜別勞

行行無計挽君舟  
置酒銜杯且少留  
攜手暫時分袂久  
故園黃菊爲誰秋

悲盡哭劉芸生文瀛  
驚絕同門友  
求名白下亡無兒傷伯道  
有淚哭文房  
風雨翻長夜  
死生各異鄉  
籬花空自綻  
誰與醉重陽  
多病嗟荆婦  
臨行過問頻  
重君鮑叔誼  
知我原思貧  
一去人終古  
連宵夢未真  
東京書札在  
檢點淚沾巾

滬瀆歸全眷  
遙知旅櫬來  
無因清酒奠  
強作誄辭哀  
舊雨年

零落愁腸日幾回我今三徑裏長此鎖莓苔

同朱綺涵過張守平茜城

今朝同竹垞訪友過城東一水環荒堞疏林繫短篷入門開  
笑口隨意倒詩筒扶醉歸來晚江楓映面紅

追悼

妝臺詠到嶺梅天過眼韶華十五年拚與梁鴻偕廡隱孟光  
何事竟長眠

伴得青氈茂苑秋吳山春草麩同游累君一事愁難釋舊債  
頻添老米舟

消磨弱質到兒曹扶病依然并臼操長簞竟牀人已去傷心  
荆布話風高

眷屬神仙莫漫誇  
少陵漂泊已無家  
如何永夜蘇臺月  
猶向寒牕浸碧紗  
天涯地角總分行  
客邸孤鐙照影涼  
坐久不知襟已濕  
哭君時短念君長

寒夜有懷

星斗一天橫  
重衾夢不成  
鄉心攪鳴竹  
詩思入寒更  
月細鉤初上  
鐙殘月半明  
遙憐小兒女  
漂泊若爲情

蚤起

客居多蚤起  
何處逗霜鐘  
犬吠江城遠  
鴉聲庭樹重  
擁裘梅共瘦  
撥火酒能濃  
屋角留殘月  
清吟時倚筇

夜坐

窗外雨聲稠疎燈一敝裘孤寒他日淚漂泊故鄉愁坐久慵  
開帙書來數滯郵茫茫感身世惆悵數更籌

感懷

月冷霜高客裏天江干猶滯米家船無求敢謂人情薄有好  
常多俗累牽往日襟懷原似水一生蹤跡總隨緣明朝且賦  
歸來句羞澀囊中賣字錢

壬辰元宵同朱綺涵沅胡孫田保曾赴吳門途中作

一棹相攜李郭同萬家燈火別婁東依依鄉樹斷雲外漠漠  
春江細雨中帆影玉峰頻貰酒詩情篷背未收筒小兒不識  
分離恨猶笑尊前醉阿翁

時詠兒隨  
至館所

次韻和綺涵東歸留別

屢觸參商感飢驅半載同如何詩酒裏又入夢魂中別緒憐  
知己歸裝慰老翁相期殘臘後把袂話婁東

青氈歎

青氈青氈何時破從朝至暮常兀坐脣乾口燥月生胝一生  
豪氣爲汝挫居停主人縱高誼家有兒童不得課秋來籬菊  
爲誰黃圖書底事空堆座客裡青鐙照影寒年來青鬢經塵  
浣誰教苦守一青氈風雨孤吟哀雁和可憐寒士居奇貨百  
千置汝羣相賀吾今棄汝不復顧片帆歸去北窗臥

觀海同朱萬含坤生

癸巳

到此豁心胸驅車向海東煙飛雲影外帆沒浪花中麥潤平  
畦綠桃蒸滿樹紅近來多逸興不復計窮通

課餘

課餘無俗事睡起午陰清  
藝菊拓花塢分蕉待雨聲  
酒兵摧勁敵筆陣掃浮名  
卽此江鄉裏閒居了一生

夜吟

擘牋不覺嫩寒侵  
月上闌干夜漏沈  
解事細君開笑靨  
爲添蘭麝和清吟

琴書坐處絕塵埃  
愛寫新詩到玉臺  
古艷正當花作伴  
不知人在小蓬萊

偕李彥周郁擷芳朱萬含朱叔湄集郁文若含英館看

菊甲午

聞道籬邊菊正黃  
牀頭還撥甕雲香  
江村風味休孤負  
小集



朋儔夜舉觴

一詩換得幾團尖

時適以詩友人乞得紫蟹攜向含英逸興添記取此

中真樂趣滿身花影似陶潛

駒光隙影疾於梭不信年來酒債多我是步兵重入世正宜

常向醉中過

晚眺同彥周叔湄歸逢文若遂飲酒樓

如許風光好郊原晚眺中荒村寒菜綠古寺夕陽紅帶甲滿

天北驚濤沸海東

時倭人啟釁三邊戒嚴

爲言秋色老已赭一林楓

難得嚶求樂相攜一醉中酒香浮蠟綠柚熟列盤紅燈火河

橋外魚蝦海市東月明送歸去暈臉映霜紅

感事

中原碩輔半凋零高屋憑誰策建瓴漫向北門籌鎖鑰忍教

東國徧羶腥尊開幕府中秋月葉志超諱敗為功斗落邊庭

大將星左寶貴戰一着已差看布局相公應不負朝廷

是誰拔幟快先登滄海波濤正沸騰鐵甲未聞乘駭浪銅環

先已駕長繩倭人以渡鴨綠江糧儲私室軍容減士鈔攻堅

羽檄徵太息南豐久搖落三年求艾至今稱

詔書切責擅羈留衛汝貴不詔袞職真同冠沐猴烽火牙檣

徵選妓羽書郵傳起清謳時旅順戒嚴統領丁夤緣機巧如

塗附製造錢多似水流卅年製造局臨寄語臨邊諸將帥快

修矛戟賦同仇尖

晚步有感同文若

向晚欲何之荒郊同散步指點斷雲邊一鉤新月吐  
寒林葉盡脫蕭索入清冬愁煞北來雁邊城未息烽

禿筆

管城曾食采文陣舊稱雄老去心猶壯相看道勁中

殘書

讀書破萬卷不若抱殘編萬卷無心得殘編意或專

敝裘

一物亦前因相依況廿春耐寒猶賴汝趨熱不隨人

破氈

吾家舊時物冷落一青氈相守不相失固窮亦有年

觀基

隱情山房小言  
深院靜敲碁機心莫浪施已饒人一著布算自遲遲

至日寢祭

卅年孤露最傷神記得含飴倍苦辛今日重闈如在望一回  
首處一沾巾

團坐

團坐共怡然寒牕鐙火邊布裘妻壓線短褐女裝綿知足有  
餘樂安貧卽信天小兒攜弱妹問字到尊前

五功臣詠

甲午之夏倭人啟釁擾我東藩延及北洋旅順失守  
瀕海戒嚴撫今思昔因作五功臣詠以寄慨焉

百年靈氣萃衡臯相業中興獨冠曹半壁東南還樂土三湘

子弟盡同袍節辭四省防偏重識拔羣賢不憚勞試向石頭  
城上望牙檣千里靜江濤曾文正公國藩

貴陽五馬舊臨邊一展才猷便卓然旋見荆襄持節鉞正當  
江皖徧烽煙奪情原爲斯民出吏治從教國本全未奏膚功  
先下世知公遺恨到黃泉胡文忠公林翼

幕府先從越國開軍容荼火浙江隈南豐獨上進賢表諸葛  
終推濟變才但使閭閻還揖讓成不妨後嗣困蒿萊而今渤  
海波濤惡安得君侯再世來左文襄公宗棠

書生投筆竟從戎看到豐碑勒紀功白下山前營偃月雨花  
臺畔氣如虹廿年鎮靜謝安石百戰勳名郭令公將帥中原  
今冷落馮誰煙瘴掃天東曾忠襄公國荃

畫像凌煙志不孤肯將冠冕易江湖嚴明軍令尙方劍澹蕩  
溪山笠屐圖寫到梅花心似鐵卽看遺碣膽猶麤退庵寂寞  
金焦冷瑟瑟西風滿荻蘆彭剛直公玉麈

自城還鄉卽事書感乙未

細雨濛濛上野航隨身書畫壓輕裝二三人語鄉音別十八  
潮平夜色蒼貧賤自甘名易澹文章時樣拙宜藏旦來重對  
一瓊冷笑煞年年作嫁忙

重有感

草檄傳飛電將軍屢據鞍兵多心不一賊至膽先寒  
阨險全輸敵貲糧半入官儒生抱憂杞消息問長安  
肉食人多預豺狼況道周三邊防未固萬貫餉工籌  
向聖主

獨宵盱諸公但宴游引杯頻看劍熱血灑無由  
卅年摧柱石百戰舊江淮謀國慙當軸和戎積老懷  
脂韋膺上考銅臭得遷階安問狐狸輩張網輪已埋

馮唐猶未老劉敬自高眠北闕陳情日東山養望天  
是翁真矍鑠矢志獨貞堅應愧聞雞舞承恩亦有年  
就事小嚴甲仗天山雪旌旗渤海風廣平心似鐵景  
武氣猶虹軍令嚴奔北戎麾待保東日邊羣小醜應  
即化沙蟲

入城同郁文若朱叔湄許伯分

諸君俱應歲試予獨未也

翦燭欲忘眠篷窗薄冷天談諧無俗韻笑語亦良緣  
遲月頻欹枕哦詩獨扣舷諸君雲路近讓爾著鞭先

紅梅隴西齋頭

何處暗香添春風到畫簾楊妃微中酒公主正開奩午夢回  
霞帳相思託素縑最憐濛月色索笑幾巡檐

尊道探梅同朱綺涵叔湄張守平許伯分

移步到城東梅花著樹紅論文新化雨講學舊春風地爲陸桴亭先

址生遺清籟幾竿竹孤高百尺桐境幽誰占得羨煞白頭翁

南園有感偕許伯分朱拜堯

風雅久不作名園孰主張寒梅自開落古木儘蒼涼亭小通  
花塢池清傍草堂到來試春茗容我是疎狂

偕郁文若周丹邨陸飛千重過南園

習習東風上柳梢肯將景物等閒拋一春遣興憑遊屐幾輩  
相攜盡舊交品格最宜梅冷淡吟懷猶費竹推敲頻來潭影



軒前立□□□□認故巢

六渡橋夜泊書感

杏花時節雨初晴又泛扁舟一葉輕帆影挂來潮半落棹歌  
聽到夜三更未逃世網猶須酒欲濟時艱孰請纓坐起推篷  
看明月銀河何日洗刀兵

積雨二月十七日大暖如黃梅節氣其夜大雷電

積雨連朝感不禁野葵向日獨傾心卽看雷電交乘後畢竟  
陽剛摧濁陰

春雪十九日雪深盈尺

昨日阿香剛歇駕今朝滕六又回車春行夏令還冬令不信  
蒼蒼燮理差

往鶴墅途中即事

一路紙鳶聲荒雞向午鳴柳腰初解舞桃靨漸含醒  
盃畝走村婦扶犁健老氓吾生慚食德何日始躬耕

過含英館口占

商量詩句話爐煙池館相將笑拍肩  
熱客不來簾幙靜好風時送蔚藍天

戲東吳一峯錢塘時在劉太守至喜幕中

翩翩書記擅風流雲水鄉中紀勝游  
近寄西湖楊柳六橋攜

屐候雁鴻千里怨人秋郵亭聽鼓君真慣  
斗室哦詩我更幽光滿玉蟾歸去未莫教少婦望樓頭

重東一峰

時隨太守至湖州釐務權所

何事西湖又別離更從蒼雪寫新詞一春柳色吟鞭遠六月  
荷花酒舫移勾漏從來丹竈冷君喜金丹術繭絲料理夜燈遲湖州  
釐務知君依舊貧能樂想見清風獨坐時

哭胡冠唐世丈榮第

五月初三日作古

一別竟終古滄江五月寒死生原有定歌哭太無端海上蓉  
城遠人間梅雨酸三春尊酒地回首淚洑瀾

杖履追隨日蘇臺作客年連牀談夜雨攜屐踏晴煙舊事已  
成夢新詩不上絃臨風獨惆悵憎煞一林蟬

此去應無恨傳家正有人琴書貽舊德骨肉見天真以我羈  
塵俗來書話苦辛平生感風義慚愧束芻陳

東洪鼎文炳彝

好古真成癖如君有幾人臨池追史籀鼎文善篆書摩碣泣孤臣

近作謁王總制思絕坐處城長擁書來情最親會當尋舊約洗

我一襟塵

消夏雜詠

揮蒲未覺午炎留清簟疏簾六月秋莫怪此間涼信早閒情

不與熱爲謀

眉梢微斂靨微紅到眼花枝午睡中生怕涼颼侵霧縠輕輕

移步下簾櫳

嬌癡小女纔三齡奪扇教誦詩與聽阿父生嗔啼却走捉蠅

旋又破窗櫺

琅琅句讀聽能聰入座兒童誦國風悔我小時閒裏過日長

孤負讀書功  
青山亂疊擁書城  
多少涼雲壁上生  
今雨不來來舊雨  
一編相對自怡情  
寶鴨香消一縷煙  
倦來不覺枕書眠  
此中真趣無人識  
夢裏哦詩句更妍  
不教脩竹効芭蕉  
成几淨窗明綠意  
饒一事炎天最可喜  
秋聲莫莫又朝朝  
始信閒中歲月長  
幾回歌詠到斜陽  
家人爲作乘涼計  
拂拭階前舊石牀

晨起

晨起獨憑闌  
瑩瑩竹露團  
氣清心不競  
只是怯衣單

感賦

散盡浮雲又碧空 王師今已罷遼東  
兩朝爵相全權重 滿地江湖互市通  
酣睡有情還夢蝶 冥飛作計好隨鴻  
諸公畏敵真如虎 豈竟無謀慰九重  
早容臥榻聽軒聲 仗義翻成敵國名  
歲幣已拚輸外府 軍儲無策足神京  
紛馳文報徒資格 煥到旌旗但送迎  
善後未聞借前箸 忍看鯨鱷日縱橫

極目東南戰事開 可憐赤嵌長蒿萊  
不圖沃壤二千里 仗有將軍十倍才  
割地人傳歸海上 討倭檄寫徧全臺  
從知機械非長技 矢到忠貞氣壯哉  
難將民瘼譜歌絃 官府其猶傳舍然  
席未暖時瞻馬首 機能

謀處脅爲肩脫巾愁聽爭紅粟燬教紛來半白蓮欲治亂絲  
憑偉略茫茫誰是濟時賢長念前良餽命萬葉千珠裏難  
愈更新涼亦酒清風  
一味新涼秋早生夜深還對讀書檠細君憐我腰支瘦教聽  
街頭柝幾更

整書飲酒入小齋正夜下  
人生貴適意役役亦奚爲白日去不返素秋忽已馳知足有  
真理行樂須及時旨酒盈吾前永言斟酌之

讀書

古人去我遠千載不相見相見欲問誰列列先賢傳熒然一  
鐙青長此隱几硯舍是非所樂目光愧如電

隱情山房小記  
病瘡調八點合長非快樂日米謝收雪  
看過中秋月朝朝鬼瘡來眼前堆藥裏舌本長莓苔一榻禪  
相似高軒客費猜關心問籬菊九日未全開

東野病起  
不到書齋已浹旬筆留蛛網硯留塵蕭蕭惟有庭前竹依舊  
迎窗揖主人

南頭咏菊  
繁華閱遍吐霜葩合住柴桑處士家人道黃花如我瘦不知  
我更瘦於花

獨抱幽姿迥出塵問花可是我前身輸他萬紫千紅裏蝶舞  
蜂狂競鬧春



幾枝清影上紗窗  
銀燭還繁花下釭  
病起疎狂猶未減  
牀頭初熟酒盈缸  
何必呼朋載酒過  
自眠花底自吟哦  
莫嫌傲骨無真賞  
清福從君消受多

贈洪鼎文

丙申

坐得一瓊破小齋  
正寂寥素心來  
舊雨握手話今朝  
詩律婁江派  
詞源東海潮  
慚予學蛩語  
切切不成謠

重贈鼎文

幾度思量訪遯窠  
鼎文拍肩一笑發  
狂歌祇緣世故牽  
難釋賺得洪崖先我過

哭次男啓烈四月初六日殤

隱情上房小語  
一病逾三載方期藥力支如何舍我去腸斷喚爺時  
大有成人量而櫻痼疾來昨宵猶慰我教我放心開  
問字從頭溯知兒質本清自今鐙火裏悽絕讀書聲  
歸復原知命荒郊悵夕暉九原有汝母此去好相依

丙申重五集文若含英館紀以八絕句

不負遲遲夏日長含英館裏泛蒲觴座中同有林泉癖尺幅  
圖開筆墨香讀廉州畫

許慎無言拇戰強伯慶餘咳吐盡文章萬多情最是張京兆

無事尋春春轉忙張如近探春十二絕句春骨真賞新

儘教放浪寄形骸研北花南有好懷塵世難逢開口笑成談

鋒觸處便詼諧

鶯哥綠燼一鑪煙一枕華胥自在天睡起罷看摩詰畫王雅秋作

畫筠同玉糝話時鮮

相攜同過紫陽門淑款客煎茶古誼敦笑指案頭生意滿葛

蒲文竹一盆盆

忽憶故人王思遠行行還去訪西廬怪他壁上涼雲少道爲

連朝伴藥爐王笠文近

來眺平蕪綠向天插秧歌聽晚風前爲言是處村居好恰少

文通半頃田

共踏長虹氣轉豪帆檣如櫛滿江皋忽看新月一鉤上還向

山房醉濁醪

張亮孫寄示考作詩以歸之

豈爲吳興識途馬孰知問道竟於盲世間不少斲輪手好奉  
南豐一瓣香

五月十八日同郁文若過洪鼎文麋溪  
把臂林皋去行行野水西分秧人影簇出樹子規啼積雨溪  
流漲新痕印雪泥故人何處住前路綠雲低  
入門同一笑有約果然來望眼吟邊落豪情酒上開梅花新  
紙帳春雨舊莓苔清福瑯環地聯牀亦快哉  
玉樹臨風好一株殊出羣論詩知食古操管自能文凡響羞  
時彥清才壓衆芬吾家舊書籍應許屬郎君  
靜覓閒中趣東軒坐晚風潤餘盆草綠艷到石榴紅生意胸  
前滿塵氛眼底空忽看雲又合疎雨落梧桐

詩讀杜工部遊懷宗少文八仙唐代酒萬里蜀山雲筆墨自  
高古巾箱恣見聞重翻金石錄名挹黨人芬

籠得和陶詩子齡先生詩來我最遲柴桑初臘屐松竹短窺籬遺

像傾先哲淡人先生遺照清風動遠思買春留小飲真率是吾師

纔醉陶潛酒重開施父尊施雲達招飲窗虛飛電掣天墨陣雲屯

時大雷雞黍風猶古芝蘭誼共敦其子姪在座相攜不忍去燒

燭坐黃昏

莫怪歸心急其如塵事牽話殘詩世界談遍酒中天清夢留  
三徑離懷又小年依依重訂約爛醉菊花邊

西郊晚步同張月如

夕陽下高樹獨立心沖融故人惠然來閒適期所同攜手步

西郊徑出橋梁通田家有真趣野艇生涼風結網坐漁父荷  
鋤走村翁河水清且漣林木鬱以葱到此世情遠洗我塵襟  
空何日始歸耕服疇事固窮

苦雨

重陰凝結蔽太清三日風雨一日晴有時斜陽漏屋角檐溜  
忽又聞聲聲有時衆星粲行列旦來雲合還盆傾田家掩扉  
臥木棉與草井老農爲予言憂心日如醒蕪穢而不治租稅  
將何營昨朝貸得青銅錢一百二十無人耕一畝二畝偶芟  
薶離離旋見新芽萌惡之鋤之不肯去寶之長之不肯成下  
濕更有西鄉田田間水道都渟澹盛夏稻苗未齊插三秋收  
穫爭豐盈況今米價日昂貴錐刀之輩難持平爾時天公不

開霽何以卒歲爲謀生而予亦無半年蓄聽之不覺心怦怦  
瞥見雲散長空日掛樹又聞村前村後鳩爭鳴

王笠夫社長重刊虐受箴見贈詩以報之

好古有真賞墨池無限深比來誰獨步師事舊傾心文采挹  
先哲風流重士林一行壽金石同拜獻聖人箴

贈李彥周錫鏞二十韻

御李從來久平生氣味親班荆當弱冠伐木重彝倫冲澹淵  
明菊綢繆公瑾醇束修娛白髮晝菽感青春荒到鵠原草悲  
聯漆圃椿同庚嗤我長麗澤識君真鍵戶將迎少專經志趣  
純才華能斂抑詩思總清新就傳過城邑論文接里鄰何緣  
題品共薄采藻芹均勝侶逢秋試名都數劫塵秦淮攜畫舫

桃葉問芳津偶鍛凌雲翮行充觀國賓滄江聊息影風雨正  
懷人重折蘇臺柳言遺吳渚蕤疎鐘尋舊寺香雪證前身稅  
駕衡門日分羶劉水濱酒杯斟月夕吟筆染花晨肯負芝蘭  
誼而慙懷葛民相看逾廿載晚節勵松筠春流匪辦草恭

喜雨

一十五日晴杲杲一庭花木漸枯槁對茲忽抱杞人憂沛然  
還祝彼蒼早遙天隱隱雷聲聞如墨堆起東南雲呼號萬木  
盡震撼雨師風伯都紛紜移時一洗炎天酷千畝萬畝告沾  
足掀眉笑聽老農言今朝不啻雨金玉夜來習習涼飈生起  
視長空星月明乘興坐階綠苔淨新詩好和秋蛩鳴

贈郁文若宗欽二十韻



門第黎陽舊由來瓜瓞緜孝思流澤厚支派衍儒先望宇傾  
前輩論交許後賢契投形跡外豪放酒尊邊塵滓胸襟淨詞  
華腹笥便一階輝棣萼四壁擁芸編回首飢驅日關心問字  
年香探元墓雪茶試白雲泉懷古閑馮弔遊蹤記夙緣椿枝  
悲又共萱草蔭來偏旋攝平原席頻煩江夏氈女嬃敦族誼  
友好倍情憐聚散渾如夢相思各異天君歌燕爾什我賦悼  
亡篇梓里重攜手鱸鄉屢拍肩文場高赤幟冰鑑中青錢養  
志開圖畫專精絕管絃秋風詩味淡春雨筆花鮮學業期無  
負韶光看幾遷會當騰驥足珍重紹家傳

早秋感興

日日尋詩遣小年詩情已入早涼天歲華過眼催人老吉士

隱怡山房小語  
思秋感物遷消息乍回千里雁懶殘賸有一聲蟬西風畢竟  
忙何事瑟瑟重來綠篠邊

霜露年年感藻蘋孤懷終古恨黃巾旨甘未遂身前養色笑  
難從畫裏真百卷詩書慚舊澤一生涕泪灑芳辰貽謀久負  
重闡望往日含飴話苦辛

半生蹤跡滯他鄉季父歸來話最長回首春風成舊夢傷心  
夜月照虛堂百年望族看中落奕世清芬待主張徙倚疏寮  
惆悵甚一鐙挑盡淡無光

蘇臺風雨正漫漫伴得青氈客邸寒半載沈疴汝短折廿年  
故劍我愁看慣來齏粥心如水平話到葠苓鼻總酸今日念君  
應不寂九京弱息好承歡

硯窗幾輩舊論文搖落秋風弔夕曛襟上酒痕詩有債屐邊  
遊跡客離羣圓時總少休看月散處常多懶對雲平子風流  
海心臣公幹隽生芸淒涼宿草滿邱墳

一從問字到西河記得春風絳帳和總角握衣憐我弱瓣香  
丈席感恩多離情頻繫江干柳清夢長隨歇浦波似江師館漸

愧師門期待意入時眉樣嬾研螺風動雲興書合致亦願  
牢落依然事寡營曝書亭子我心傾朱綺涵譜兄廉介自編

來日記知盈篋偶寫新詩不爲名澹泊襟懷高梓里蒼茫雲  
樹憶相成近館多情近有胡威信與孫田時客裡光陰遣酒

兵

一生事業小雕蟲落拓青衫守素風壯志漸消句讀裏愁腸

未洗俗塵中深嘗世味萬千變難得心期一二同景物年年  
人事改又看疎葉下梧桐

代啓答徐蘭孫表弟

不見徐公近半年料應腹笥更便便西風江上懷人日正好

魚書一紙傳

百篇箋注幾經秋  
讎校還須歲一周  
假我異書今好在願君

且漫索荊州

廿載論書愧故吾  
臨池畢竟趁工夫  
彭城儘有傳家筆爭羨

枯毫作範模

君館錢芝門先生家為其徒乞字樣

思量風月話滄江  
訪舊行將買小艖  
秋雨一籬花綻未教君

端正酒盈缸

星  
與友人談事感賦

窮亦尋常事能窮見性情  
晨羞蔬果足午夢篆烟清  
敢以輕肥想而孤金石聲  
檐前問脩竹好訂歲寒盟

卽事書懷丁酉

寂寞書窗裏蕭疎竹塢邊  
新醅浮綠蠟舊物守青氈  
處世拙何礙論交澹以全  
功名非我分奚事著先鞭

夜坐

良夜不成寐小齋景色幽  
牕明三徑月人澹一鐙秋  
宿鳥翻林木疎更出戍樓  
君家遂初賦有味好研求

壽朱綺涵譜兄四十

詩派婁東有正聲慶餘二十藉  
詩鳴品高栗里惟沖澹真到

江村是性情風雨一廬新日記君有日記圖書百卷舊鐙檠

裏氈漫笑寒如許編得吟牋知滿籥

自傷孤露涕滂沱君獨天倫樂事多花萼樓高羣從好庭闈  
春暖一家和生涯有酒朱顏駐世態容人白眼過料得劉伶

終灑脫閉關且自續長歌

階前玉樹燦雙枝聞說蘇過解詠詩黃卷有情貽宿德青箱

舊學付佳兒慣親鷗鳥神閒適狎鷗稱爲惜蘭膏手護持有素

一叢至君志行獨高世難合清風應共白雲知

論文尊酒記容安予長姑家趙氏齋名翦燭聲中興未闌廿

載心情成老大百年身世儘寒酸相望一水盈盈隔回首晨

星落落看風雅滄江更誰屬願君努力強加餐

郊行同張月如  
向晚步西郊去去值良友欣然攜同行徑窄出溪右循溪信  
所之草沒徑何有忽入桃樹林隔溪語野叟此去無橋梁前  
途里八九便攜小艇來渡溪向南畝人情厭澆薄憐叟意頗  
厚叟家面水居綠竹當牕牖刈稻促登場擔歌來村口吾曹  
寡所營且與耕者偶笑問秋如何絮絮立談久歸途已蒼然  
一鉤月挂柳

郁文若以秣陵紀遊諸作見示酬以三絕句

石頭東去豁雙瞳天塹長江一棹風吟得新詩盡豪放不知  
聽徹幾蛟龍

一雙蠟屐江天閣十幅花牋兒女灣有惠山十詠畢竟才人多眼

隱情山房小記  
福好山看罷又雲鬟  
六代風流紀勝遊  
斯行真不負清秋  
十年舊夢金焦下  
重向君家筆底收

次韻和文若榜後書懷

終當聯步入蓬萊  
勿謂蒼蒼漫主裁  
桃李爭春宜眩俗  
芝蘭臥谷豈凡才  
六朝佳句探囊得  
一室清風入座來  
我有牀頭新漉酒  
期君同看菊花開

代啓覆李慰農并簡趙衡士文陳師竹楊莘之

堂開績禹德

星明來書云廿四日諸君集城西水仙廟之績禹堂以蟹橙二字爲詩鐘令予是日病瘧

回裏遽旗鼓騷壇孰主盟  
似我無緣偏病瘧  
到來夢裏聽鐘聲  
好句拈來等物齊  
九秋清興屬城西  
漁家風味書生業  
都付



尊邊作品題黃卷五齋散卷與來封火焙手卷滿然隴鶴匪

李陵書札最纏綿論史才高骨亦仙却笑風番花信日教君

效我北窗眠

下來書云是日

君亦是病 語寒詞仄感靈魁

傍舍黃花已漸開江鄉景物亦悠哉何如更作平原飲遲爾

西風一棹來

燈朝分

山自靈氣與陰衣指食

與五月夜懷朱綺涵即寄門閨之樂事笑語吟天真與庭外

掩卷步庭際天高夜氣清籬花澹顏色窗竹冷秋聲世事已

冰炭吾人安重輕勸君漫蕭索且看月華明

### 寓言

詩士致文四十一

嗟哉金犢子出入何翩翩田園藉舊業文史孤青年不丁金

張門蹴踏珊瑚鞭豈知堅貞士幽獨抱一編歌聲出金石立

志希聖賢飢不食踈粟渴不酌貪泉天道良如斯吾人安論  
焉

壽趙衡士姻丈四十

不少千秋業春風絳帳和一庭盛桃李斗室儘絃歌時樣羞  
眉嫵吾人故墨磨歲寒盟有日珍重舊霜柯  
庭玉雙株秀荆花一樹春門闌多樂事笑語得天真興到忙  
攜屐朋來但飲醇從知伯鸞婦典釧亦能貧

弱冠論交後驚心歲月流蓼莪他日淚風雨一鐙秋何處尋  
丹井相看漸白頭輸君百編裏隱几恣冥搜

李刻洪鼎文郁文若過訪留飲

屋角乾雀噪黃花正清妍款扉來故人執手殊歡然劇談到

新詩字字求精堅沈吟忽有得笑誦窗几前相對良不偶奈  
此清秋天呼嫗沽濁醪謀婦烹時鮮口腹累薄俗堆盤餘腥  
羶而我淡蕩人風味攜尖圓豪情托長劍雅懷撫鳴絃爲言  
風塵中斯境亦已仙良時不數覲聚散何常焉日夕揮手去  
孤鴻響雲邊

金樽醉歌

今朝先生笑口開洪崖遺我尖團來爲從細君索斗酒酣觴  
忽臥東籬隈細君嗤我量日小一杯兩杯便傾倒起來伸手  
教兒扶白眼猶自呼提壺

坐月

不肯孤明月連宵臥獨遲光多容滅燭室靜但哦詩雲影撩

天淨霜華著袖滋笑渠真解事道我近來癡

張月如遊庠書以代柬

吉語傳來徧遙知詠藻芹龍門欣御李鵬路漸超羣眉黛推  
時樣心裁運匠斤廿年甘苦意端不負專勤  
正逐槐黃候江天好放船如何兩京賦不向白門傳勝地辜  
金粉遊懷滯錦牋異時倘高興同着祖生鞭  
一握蠅頭扇聊當紙半張眼花豪總澀腕弱墨無光莫嘆人  
情薄容知舊債償累君更多事畫筆索來忙  
滬瀆言歸日書堂記少留別情強半載到眼又新秋料理開  
佳釀思量刺小舟寄懷劉夢得腹稿待賡酬

挽周伯申妹夫

惆悵秣陵舟涼風吹不休相思纔廿日一別竟千秋天意終  
難問名心始覺浮如何今夜月猶照海西頭  
平日過從數幽居恰比隣菊同三徑艷梅放兩家春金石情  
懷契圖書討論真而今總陳迹回首淚沾巾

舉室盡銜哀淒涼旅櫬來情鍾思子淚目斷望鄉臺已識幽  
明隔還將命數猜慰君翁矍鑠諸子好栽培

劉挹梅歸自天津

四月不相見涼秋吹好風入門無一語先問玉玲瓏

癸卯三月二十日同張守平吳一峯許伯分爲似師六

十稱觴賦呈

模範今誰式師門道誼高科名多後輩經濟有時髦鍵戶心

隱性山房小記  
如水論詩千頃濤本來衡宇近仰止不辭勞  
總角樞衣日關心卅載前春風同化育孤露最情憐爲我述  
先德憑師製大篇百年家乘在不獨感重泉

癸卯除夕示內

又是逢除夕操持賴汝賢十年貧裏過一笑話從前把盞兒  
孫共調羹子婦便阿翁不解事壓歲竟無錢

施蓮史先生七十大壽令嗣方叔姻丈作啓徵詩賦此

爲祝

誰將耆德達楓宸海角靈光杖國身文字社中推祭酒荷花  
香裏祝生辰拯人肯惜千金擲集善何難百歲臻風度如公  
真不老果然矍鑠見精神

掀髯一笑古稀年  
林壑沈沈臥正堅  
少日豪情騰劍氣  
卽今清興托豪顛  
品高何似脩天爵  
人望真如行地仙  
好值普天開壽寓  
國恩家慶頌緜緜

生日感賦

插脚塵中卅六年  
鑽來故紙幾曾穿  
雕蟲技小爲人役  
縛繭絲窮祇自憐  
四壁尙餘摩詰畫  
一檠賸對獻之氈  
書生氣味渾難洗  
耐得寒酸志益堅  
課到童蒙舌欲焦  
大中論孟暮兼朝  
卽看風雨今如晦  
要識詩書在不祧  
守我陳編教子讀  
及時新樣聽人描  
寒牕莫訝無聊甚  
猶有經霜菊未凋



